

Fida Nyamesemka: Ayewoho 18, 2014.  
(Friday sermon – 18<sup>th</sup> July 2014 – Fante Translation)

## **EHUBƆBƆR NYE BƆNFAKYE NYANKOPƆN.**

Owieii tashhud, ta'awwuz nye Sura Al-Fatiha no, Huzoor kenkann Kuran nyiyimu ebien a odzi do yi na ɔmaa ne nkyereasee wɔ Urdu kasa mu:

“Ka de “O Me nkowa a wɔaye emumuye ma abor do etsia hɔn kra! Mma hom abaw mu mmbu mmfi Allah Ne mbɔbɔrhu no ho, ampaara de Allah dze bɔn nyinara kye. Ɔye nokwar de Ɔye Bɔnfakyefo, Mbɔbɔrhufo.

“Na hom ndan homho nkɔ hom Nyankopɔn nkyen na hom mberɛ homho adze mma No ansaana asotwe no aba hom do; sɛ ammba no dem a hom nnkenya mboa biara” (39:54-55).

Wɔ Kuran Krɔnkrɔn no mu no, Allah Ɔsorsornyi No atwe No nkowa adwen akɔ do de Ɔye Bɔnfakye na Ehumbɔbɔr wɔ nyiyimu ahorow na kasafua ahorow mu. Dem nyiyimu a m'akenkan yi, wɔ dza odzi kan no mu no, dem nsem yiara na wɔada no edzi. Na nsem nwanwaso bi wɔ iyi mu ma onyia biara ɔwɔ suro wɔ Nyankopɔn N'asotwe ho de ɔaye bɔn bi ntsi na ɔɔ pɛ de onya Allah N'ehumbɔbɔr no na onya mfaso bi fi Allah N'ehumbɔbɔr na Ne Bɔnfakye mu. Allah Ɔsorsornyi No ka de “O Me nkowa, mma hom abaw mu mmbu wɔ M'ehumbɔbɔr ho. Emi nye adze nyinara Wura na Mo wɔ tum de Me dze hom bɔn bekye hom na Me dze M'ehumbɔbɔr tam no kyekyer homho”. Nsem fɛfɛw ben nye yi na hwe mbre okenyan hen enyidado mu na oyi enyidado a apa nyinara fi hɔ.

Iyi ara nye nsem a ɔkyere nkorɔfo de enyidado a apa ye bɔn. Dem nsem yi dze hen fa kwan bi mu a otwitwa hen fi mberɛwe mu na ɔgye hen fi ɔbra mu nkugu nyinara mu. Iyi ɔba no dem, osiande enyidado a apa na ɔdan beye mberɛwe na ɔtwe obi kɔ nkugu mu. Mbom enyidado a apa nye nkugu nkotum edzi nyim wɔ obi a ɔba Allah, Ɔsorsornyi N'ehumbɔbɔr no ase. Iyi nye nsem a ɔkyere akwan a sɛ yenantsew do a yebotum ahye Nyankopɔn Ne Mbra no ma na yeenya Nyankopɔn No dɔ, ama yeenya Ne nkyen mbenee no, yebɔkɔdo ara enya mfaso wɔ N'ehumbɔbɔr no mu.

Dem ntsi, nsem yi ye kan a ɔhyeren ma onyia biara a ɔayew no kwan. Dem nsem yi ye kwan nsem ma onyia biara sunsum mu no ɔye owufo. Dem nsem yi ye faahodzi nkaabɔ nsem ma hɔn a wɔatɔ Abɔnsam ntentan mu. Hwe, ɔɔ ben nye hen Nyankopɔn yi a ɔhwe hen a ɔɔ soronko mu, Ɔno a Ɔka na osi do mpɛn pii kyere hɔn wɔwɔ gyedzi wɔ No mu de: “Mma hom abaw mu mmbu wɔ Allah N'ehumbɔbɔr ho” (12:88). Osiande: “Obiara nnyi hɔ a n'abaw mu bu wɔ Allah N'ehumbɔbɔr ho gyede nkorɔfo a wɔnnye egyedzifo” (12:88).

Dem ntsi se eka de ewɔ gyedzi dza, ɔno mber nyinara nya enyidado de wo nsa beka Nyankopɔn N'ehumbɔbɔr nye Ne Bɔnfakye no. edze woho wuraa ndzeyɛbɔn bi mu ɔnam nyimpa mberɛwe ntsi, mbom ɔwo nka hɔn a wɔayew kwan tsenenee noho osiande hɔn a wɔayew efi kwan tsenenee noho nkotoo nye hɔn a wonnyi enyidado biara wɔ Nyankopɔn N'ehumbɔbɔr ho. Wonyinom nye nkorɔfo a wonngye Nyankopɔn nndzi no. Wonngye N'adom no nndzi. Enyidado a apa ye nkorɔfo a wɔayew efi kwan tsenenee noho no hɔn su. Allah, Ɔsorsornyi No ka de: “Na woana na n'abaw mu bobu wɔ n'Ewuradze N'ehumbɔbɔr ho gyede nkorɔfo no a wɔayew efi kwan tsenenee noho? (15:57). Ntsi osi pi ye nokwar de hɔn a wonnyi abotɔyemu na wɔwɔ kɔdaanda mu ɔnam hɔn tsebea bi a wɔwɔ mu ntsi no,

abotɔyemu nsem nye awerɛkyekyer nsem biara nnyi ho a ɔkyen iyi. Nnye iyi nko, mbom hen Nyankopɔn No ko do ka kyere hen de ɔmmpe ntsem nntwe hen aso wo hen ndzeyeeɔn ho, mbom: “Na w’EwuradzeNo Bɔnfakyɔfo, ehumbɔɔɔr ahye No ma” (18:59). Na ebenadze ntsi a? Osainde: “Wo Ewuradze No dze ato Noho do de ɔbekyere ehumbɔɔɔr” (6:55).

Dem ntsi bon a ammfa enyidaho yee no, ɔdze kye. Dem ntsi ma w’adwen nko woara wo nsakyerere do. Se w’adwen ko N’ehumbɔɔɔr do wo a edze nsakyerpa reba a, ɔno hun de dem Bɔnfakye nye Ehumbɔɔɔr Nyankopɔn No daho ara ye Bɔnfakyefo na Mbɔɔɔrhufɔ. Na mpo nnye de ɔye Bɔnfakyefo na Mbɔɔɔrhufɔ ara keke na mbom ɔka de: “M’ehumbɔɔɔr tserew wo ndzamba nyinara do” (7:157).

Wo ha no, dem nsem yi tserew tsera de ɔko ma egydzifo nkotsee. Iyi nnye egydzifo nkotsee na ɔkasa fa ho. Dem ehumbɔɔɔr so hon a wɔnnye egydzifo mpo do. Na egydzifo no dze, wɔaye no nhye ama hon. Obotum na ɔdze bon nyinara kye. Iyi nye dza Allah, ɔsorsornyi No reka. ɔno nye adze nyinara Wura. Dem ɔdze bon bekye no, adze biara nnsiw No kwan. Mbom, ana ɔdɔfo nye Mbɔɔɔrhufɔ Nyankopɔn No do nye N’ehumbɔɔɔr no nkyere de yebema hen do a yewo ma No no mu bɔdo anaa, na yeedzi Ne Mbransɛm do na yeaben No na yembɔ mbɔden de yebeyi mberewye nyinara akwa na yeatwe henho efi bon akwan nyinara ho.

Dza m’ada no edzi nyinara gyina nkyerekyere a ɔwo Kuran Krɔnkrɔn no mu na demara so na yehu no wo Nkɔmhyenyi Krɔnkrɔn (NNN) ne nkyerekyere a ɔdze maa hen mu; no nyinara kyere hen de, obiara nnyi ho a ɔbor do de ɔdze nsakyerpa beba no mu. ɔmmfa ho nye mbre nyimpa ne tsebea no aprɔw ekodur, nsakyerpa botum aba. Obiara tum sakyer. Obiara botum enya mfaso efi Nyankopɔn N’ehumbɔɔɔr wo mber tsentsen a ɔkodo ara de nokwar mu ɔtsew n’akoma ho nye ne ndzeyee ho.

Wo nda kakra a etwa mu no, baisa bi a ɔwo Danmark kyereew nsem kumaabi wo nsɔrbansɔrba dawurbɔ krataa mu na ɔkaa faa Kuran Krɔnkrɔn no ho de, Kuran no aka mpen pii afa asotwe nye Nyankopɔn N’ebufuwhyew ho na ɔnka biribiara mmfa ɔdo ho gyede bea kor anaa ebien bi. Na iyi Muslimnyi biara nnkotum aka iyi wo nokwar mu de nyimpa a ɔwo gyedzi wo Nyankopɔn a nhye biara mmbata ho ɔnam no do a ɔwo ma Nyankopɔn ntsi. ɔpe de ɔkyere ne nsem mu de Islam Nyankopɔn ye Nyankopɔn a ɔpe ntsem bua atsen no, basia no maa nyiyimu binom fii Kuran no mu a, ɔntse ase anaa ɔmmfa nsem a ɔreka no ho. Jama’at a ɔwo Denmark rekyerew nyiano wo dem nsem yi ho, mbom medze dem nyiyimu yinom wo Kuran Krɔnkrɔn no mu ato gua a, ber a ɔye enyidado nsem ma egydzifo no, demara so na ɔye nyiano ma hon a wɔkyerew nsem a ɔtsetse dem yi nye Islam n’atamfo a wɔka akɔhwisem fa Islam ho na wɔwo ɔtan wo hon akoma mu fa Islam nye Kuran Krɔnkrɔn ho.

Allah, ɔsorsornyi No, nye adze nyinara Wura. ɔdze bon kye. Dem N’abɔdzin bor N’abɔdzin nkaa nyinara do. Iyi nye N’ehumbɔɔɔr a ɔkyere de ndzeyeeɔn nye ɔyetrado ahorow a nyimpa ye nyinara ekyir no, ɔmmpe ntsem mmbua atsen. Mbom, ampa, ɔye nokwar de ɔnam ɔyetrado a ɔbordo dododo na eprim w’akoma ntsi, Allah ɔsorsornyi No ka de ibenya asotwe. Se ekodo ara de reye bon nye ɔyetrado na se enngyae dze a, biribiara nnkotum atwe wo efi asotwe no ho. iyi ye abɔdze ho mbra na ampaara de iyiaara so nye mbra a wɔdze dzi dwuma wo wiadze yi mu. Iyi nyinara n’ekyir no mpo, Allah, ɔsorsornyi No ye ɔdomfo, mber bi beba a Ogya amandzehu (Hell) no mu bɔto pan. Iyi nye tserew a Nyankopɔn N’ehumbɔɔɔr no tserew na onnyi ewiei.

Wo dem nyiyimu no mu no, ɔdaa N’ehumbɔɔɔr nye Ne Bɔnfakye edzi wiei no, Allah ɔsorsornyi ka de, se hom ennya mfaso wo M’ehumbɔɔɔr nye Me Bɔnfakye mu a, ɔno asotwe wo ho ma hom bon nye hom emumuye. Naaso iyi nyinaa ekyir no, M’ehumbɔɔɔr nye Me

Bɔnfakye ɔkɔdo twe hom adwen gyina mpen pii de hom mbo homho ban ansaana mber bi aba a asotwe botwa homho ehyia. Mma hom mmbu ban wo emumuye mu amma ennwura M'asotwe mu. Hom mbo mbɔdzen de hom bɔbɔ homho ban.

Ntsi siesiara, hon a wonya hen kasatsia wo ber a wonyim woyinom nyinara no, asem ben na obi beka gyede de, wɔdwen wo enyifura mu na ɔtan na enyitan nye nsusubɔn ahye hon akoma mu ma. Se wokyekeyer hon aman mu mbra a, ampaara de wɔpe de wɔtwe abɔnfo hon aso mbom, hon a wobu Allah ɔsorsornyi Ne Mbransɛm do no na wɔye ɔyetrado nye bɔn akese no, wobisa de ebenadze ntsi na Nyankopɔn ka fa honho de Motwe nyimpa a wɔtse dem yi hon aso. Oho! Hwe mbre Islam Nyankopɔn No ye Bɔnfakye. Iyi da edzi wo abakɔsem bi de:

Hadhrat Abu Saeed (NN) ka de, Nkɔmhyenyi Krɔnkrɔn (NNN) kaa de "wo Isreal mba no mu no, mbarimba bi wo hon mu a woeku nyinpa eduokron akron (99). Dem mfatoho yi woma ama yeena no ntsee wo Nyankopɔn N'ehumbɔbɔr a ɔwo fi ahyese na ɔbetsena ho afebɔ. Nkɔmhyenyi Krɔnkrɔn (NNN) kaa de dem barimba yi ekum nyimpa eduokron akron na otuu anamɔn de ɔrokɔ pe nnuho. Ohiya nsempakanyi bi na obisaa no de ana obotum eenya nnuho anaa? Nsempakanyi no buaa de dabida, dem mber yi dze nnuho biara nnyi ho ma wo. Dem ntsi abrentse yi kum ɔno so. ɔkor do ara bisaa mpen pii de kansa obotum eenya nnuho bi a, kɔpem ber a banyin bi kyereɛ no de ɔnkɔ bea bi. Mbom ber a ɔnam kwan do rokɔ no, owui wo kwan do na ɔrugu n'ahom a odzi ewiei na ɔrotɔ famu no, ɔdan no koko kyereɛ bea a nkye ɔrokɔ no. Ehumbɔbɔr abɔfo nye asotwe abɔfo baa ne nkyen na wɔhyee ase de woridzi aperaper wo nyia ɔwo de ɔfa banyin no ho. Allah, ɔsorsornyi No hyee de wɔntwe bea a nkye banyin no rokɔ no mben no na bea a ofi no wɔntwe nkɔ ekyir, na ɔsanee hyee de wonsusu dem mbea ebien nyinara mfi bea a owu too no no. Na wohun de banyin no wuii akwansin kumaabi a nkye aka ma woedu bea nkye ɔrokɔ pe nnuho no kyen bea a ofi no. Dem ntsi, Allah ɔsorsornyi No gyinaa dem botae yi do dze no mfom kyee no. Iyi nye Islam Nyankopɔn No a ɔpe banfakye kyen asotwe na N'ehumbɔbɔr tserew yie. Hadith fofor bi kyere de:

Hadhrat Abu Dharr (NN) ka de, Nkɔmhyenyi Krɔnkrɔn (NNN) kaa faa n'Ewuradze ɔsorsornyi No ho de, ɔka de: O Adam nana, hom mmbɔ mpaa mmfi Me nkyen naaso hom wo enyidado. ɔnam dem ntsi, Meka no pepepe de se hom ammfafa biribiara ammbata Moho dze a, ɔno Medze bɔn nye sintɔ nyinara bekye kansa hom bɔn nye hom mfomdo ne kese tse de asaase yi mpo a. Medze Me bɔnfakye no a ɔso kyen asaase no behyia hom, Medze hom mfom akese akese no mpo bekye hom na nkumaa no dze Mennhwe mpo. Iyi nye Allah, ɔsorsornyi No, Nyankopɔn No a Islamsom da No edzi no, Nyia ɔye Bɔnfakyefo No. Na hen egyedzifo no dze, hwe, mbre yeessuo No mu dzen wo N'ehumbɔbɔr mbordo mbordo no a no mu kor nye de afe biara mu no, wo Ramadan bosom no mu no, ɔbuei Ne Bɔnfakye apon yie. Dza odzi do yi ye Hadith bi a ɔkyere Nyankopɔn Ne Bɔnfakye wo Ramadan bosom no mu:

Nadhar bin Shaban ka de mekaa kyere Abu bin Abdur Rahman de ka nsem bi a etsee fii w'egya ho a ɔno so tsee fii Nkɔmhyenyi Krɔnkrɔn (NNN) n'enum a ɔfa Ramadan bosom no ho. ɔkaa de nyew, Nkɔmhyenyi Krɔnkrɔn (NNN) no kaa de Nyankopɔn aye akɔnkyen wo Ramadan bosoom yi nhye ama hom na O'etsintsim iyi aye no nka ho adze ama hom. Dem ntsi, onyia biara a ɔbekyen kɔm a no botae nye de ɔrohwehwe n'akɔtua wo Nyankopɔn nkyen na ɔwo gyedzi mapa no, dem nyimpa a ɔtse dem no tsew noho fi bɔn ara a ma ɔba no noho tsew de da a ne na woo no fofor no. ɔbeyɛ tse de abofra a wɔawo no fofor.

Iyi ntsi ɔmmfa honho mbre hon a woonyi nyimdzee biara no hu Islam Nyankopɔn no. yenyim de hen Nyankopɔn wo ɔdo nye bɔnfakye ma sen hen ankasa hen awofa mpo. Na hen

Nyankopɔn No nye Nyankopɔn no a otu eguan ba hen nkyen de mbre Ɖdze No nkowa hɔn mfom bekye hɔn.

De mbre yereka Ramadan bosoom ho asem yi, Hadith fofor bi wo ho a akasa fa nhyira a owɔ Ramadan bosoom no mu. Salman (NN) ka de, Nkomhyenyi Kronkron (NNN) no kaa kyere hɔn wo da a odzi ewiei wo Shaban bosoom no mu de: O dɔm a hom ehiamu, bosoom a nhyira ahye no ma rebehye ase. Wo dem bosoom no mu no, anadwe bi wo mu a odzi mu kyen abosoom apem. Allah aye akonkyen wo dem bosoom yi mu nhye ama hom na Ɖaye n'anadwe no so de hom mfa nye Asɔr. Iyi nye bosoom ne nda du a odzi kan no ye ehumbɔbɔr na ne nda du a otwa ntamu no so ye kwan a yefa do nya bonfakye na ne nda du a odzi ewiei no so ye kwan a yefa do nya bambɔ fi Ogya amandzehu no ho. Onyia biara a abema obi a arekyen kom edziban no, wabema no nsu efi me ture no mu a onketse nsukom akopem ber a obowura Aheman mu (Paradise).

Wo nsem fofor mu no, akyerɛ de dem bonfakye yi hohor bon dadaw nyinara na osan hye nyimpa dze wo nsɔhwe a ɔdze no ko bon mu ho se nyimpa no kyen kom de mbre wɔahyehye no wo dem Ramadan bosoom na oye asɔr a onnye nhye a na osom Allah yie a. Iyi da edzi pefee de Allah Osorsornyi No kodɔara reye nhyehye ma hen a wo hen anamontu biara mu no otwe hen ko Aheman mu. Ber yi, yewo Ramadan bosoom no mu a ne nda du a otwa ntamu no roko n'ewiei, na nda du a odzi ewiei no rebehye ase okyena anaa da a odzi do no. Na dem mber a otɔdo ebiasa yi so nhyira ahye no ma wo dem kwan yiara do, de mbre wɔaka wo Hadith mu no, anadwe bi wo dem ber yi mu a oye Hyeber Anadwe (Night of Destiny) (lailatu qadar). Dem anadwe yi ye kwan soronko a yefa do hu de hen mpaabo no Ɖagye ato mu na otwe Nyankopɔn N'akowa ben ne Nyankopɔn yie. Ntsi hom mma yenyɛ ahweyie na yensiesie hen asɔrye nye hen Nyamesom wo dem nda du a odzi ewiei wo Ramadan bosoom yi mu yi. Oye ehiaɔze keɛse so de nhyira nye mfaso biara a yebɛnya no dem bosoom yi mu no, yebema aye hen su afebɔ. Se yebokɔdo eenya Nyankopɔn N'ehumbɔbɔr nye Ne Bonfakye a, ohia de yema hen enyi ko hen tsebea do yie wo dem nda yie na yebɔ mbɔɔɔzen de ahyɛɔze biara a ɔda hen do wo dem Ramadan bosoom mu no yebotum ahye no ma nkanka wo dem nda du a odzi ewiei wo Ramadan bosoom yi mu.

De ebɔbo mbɔɔɔzen de ibotum eetu ndzeyɛebɔn nyinara ase wo wo mu no, na ebɔbo woho ban efi bon ne nyee ho wo daakye ama enya nkwaye afebɔ efi Ogya amandzehu ho no, ohia mbɔɔɔzembɔ. Iyi ye mbra a ɔda ho. Na gyedzinyi nokwafo biara no, onnyi de ɔba no de obobu n'enyi egu Nyankopɔn na N'akomhyefo no hɔn nsem do. Mbom, se wɔtse dem nsem yi a, owɔ de wonya atsenka bi wo hɔn akoma mu de wabema dem nsem yi abeye hɔn daadaa ndzeyɛɛ. Na anamontu a no tu ka adze papaapa a obotum dze nsunsuandopa aba na abɔtwe obi ako nkunyimdzi mu nkotsee nye dza ofa mbra nye kwan a wɔahyehye wo dem botae yi ho.

Dem ntsi ekyingye biara nnyi ho de Nyankopɔn N'ehumbɔbɔr no kata ndzɛmba nyinara do. Na ampaara de ekyingye biara nnyi ho de akɔtua mbɔho mbɔho wo ho ma ndzeyɛɛpa wo Ramadan bosoom yi mu. Na ampaara de ekyingye biara nnyi ho de Ramadan bosoom yi ye kwan a yenya Ehumbɔbɔr nye Bonfakye na yetwe henho Ogya amandzehu no ho. Mbom, dem nhyira yi a yegudo ara renya yi na yebokɔdo ara enya yi, hɔn a wobotum enya nye hɔn a wɔɔɔɔde etuhoakye nye mpirensi kɔdo ara bo mbɔɔɔzen de wobɛnya dem mfaso yi.

Dem ntsi nkorɔfo a hɔn tsi aye yie paa anaa nkorɔfo a hɔn tse beye yie nye nkorɔfo a wɔbeyɛma akonkyen yi aye akwanya ama woenya Nyankopɔn N'ehumbɔbɔr na Ne bonfakye na wɔape ama hɔnho bambɔ efi ogya amandzehu no ano. Wobenam iyi do abɔ hɔnho ban efi hɔn mberɛwye ho na wɔabɔ hɔnho ban efi bon ne nyee ho koraa.

Ketseankye akonkyen yi beye hen botaa aber nyinara na de yebotwe hen ho efir bon ho na woye akwanya ama hen obotwe hen ako papa na ndzeyee tsenenee ne nyee aber nyinara. Otan a otse dem yi benyin wo hen akoma mu ara ma akoba no de yennkodwen de yebeben bon ne nyee ho dabiara da. Ketseankye hen adwen nyinara adan ako nokwar nnuho ho, nnuho a no a oboko do aber nyinara aye akwanya a obotwe hen aben Otumfo Nyankopon no.

Yebesi den na hen nsa etum aka dem ndzamba yi, anaa yebeye den na obi enya nokwar nnuho a owo de otwe hen fir bon ho aber nyinara? Ofa iyi ho no Anohoba Mesia (ANN) aka de:

“Taubah (nnnuho) nye de, wo nokwar mu no nsesa tum kese na fapem a odze mboa kese ba ma etum nya subanpa a okron.”

Se yenya subanpa a okron na ndzeyee a odzi mu na yetwe ben Otumfo Nyankopon no a na oye nnuho nkotsee na onam do osiande ono pe na ohia wo dem dwumadzi yi mu. Onam nnuho do na nyimpa ko n'enyim na otu mpon. Iyi nye adze a oboa wo dem dwumadzi yi mu.

Anohoba Mesia (ANN) no ko do ka de:

“Na oma nyimpa ye mu, wo kasa fofor mu no, nyimpa a ope de osesa na onya subanpa no, oye nhye dze ma no de obonu noho wo nokwar akoma mu na wo nokwar nkuranhye mu. Owo de yedze to hen adwen do de nhyehyee ebiasa bi woho ma nnuho, se yeannhye no ma a hen nsa nnkoka nokwar nnuho no.

Nhyehyee a odzikan no nye de ebeyi bon adwen a odze bonye ba no fir ho. Adwendwen wo tum kese yie, ndzeyee biara wo adwen a odzi enyim. Ne dem ntsi nhyehyee a odzikan dze ma nnuho nye de owo yetow bon ho adwenadwen kyen. Mfatoho nye de, se obi nye obaa bi wo nkitsahodzi a ommfa mbra kwan do na se onu noho na onya pe de obesesa a, noho hia de obodwen de obaa no ye akyer na wookaakae ne suban a onndzi mu. De mbre meedzi kan aka no adwendwen wo tum kese wo nyimpa do. Maakan de Sufis (nyimdziifo) binom dzii hon adwendwen ekyir ara ma na wuhu nyimpa tsede kontrofi anaa preko. Ne dem ntsi nhyehyee a odzikan ma nnuho nye de adwendwen a oma bon ho enyigye ser biara no yeyi no akwa.

Nhyehyee a otsia ebien nye fer, obiara n'adwen tu nofo wo bon biara ho, naa nyia ntsi annyeyie no gyaa dem adwen yi wo ekyir. Dem ntsi owo bondzifo biara nya fer na obu noho fo wo ne bon ndzeyee do na odwen na ohu de enyigye a owo mu no woho ma mber tsiawaa bi. Owo de odwen na ohu de aber biara no enyigye a owo mu no nodo tsew na ewie no, wober a aye panyin a wopow nyinara no mu aye mberew no, obeye nhye ama no de dem enyigye yi nyinara obegyaa. Dem a ebenadze ntsi na owo de edze woho hye adze a ewie no owo de egyaa wo kwan biara do? Nyimpa ne tsir aye yie paa nye obi a onya nnuho na oye nebotaa de obegyaa adwendwen a onndzi mu na oye bon. Se oyi dem fi yi fir ho a, owo de onya nnuho.

Nhyehyee a otodo ebiasa no nye de obesi nketse de onnsan nnko dem ndzeyee bon noho bio mu. Se otum gyina ne botaa yi do a, Nyankopon bodwir egu no do ahoozen ma woenya nokwar nnuho na woetum eyi ne bon no nyinara akwa na odze subanpa na ndzeyee a ofata ntonton ahye anan. Iyi ye suban mu nkunyimdzi. Owo Otumfo Nyankopon Noho de obema ho ahoozen na tum osiande Ono nye tum na ahoozen nyinara Wura, de mbre Woka de:

Tum nyinara ye Allah dze. (2:166). Na nyimpa ye mberew, de mbre woka no: ..... Oboo nyimpa wo mberewe mu (4:29)

Iyi nye ne nokwar, ntsi de yebenya ahoozen efir Allah Okronkron Noho no, owo yema ndzamba ebiasa a yeabobo dzin no dzi mu na yegyaa akwadwer na ber nyinara yeye biribi, yebo mpaa kyere Okronkron Nyankopon. Se dem dze a, Okronkron Nyankopon No, bema nsesa aba.

Iyi nye Anohoba Mesia (ANN) no n'asem. Dem nkorofu no wo de woka iyi, hon a woka de yeabo mpaa de yebotwe henho efir dem anaa dem bon yi ho naaso dem suban bon yi

no nnkoree, Okronkron Nyankopon No nntsie hen mpaabo. Awofa binom dwen hon mba anaa mbabun honho se wokyeru suban bon a, woka de yeabe mbodzen na yeabo mpa so naaso wonntsiee hen mpaabo. Ntsi owo de yehun de onndzi mu. De wobegye hen mpaabo no ehiadze bi wo ho a owo de yeye. Yebobo mpa nda anan na yeaka de Okronkron Nyankopon No Enntsie hen mpaabo no ono na yedze hen ara hen nkogu rogu Nyankopon Nodo.

Ma otse biara no, maakan efir Anohoba Mesia (ANN) n'akyerew sesiara ofa no mbre osi a nyimpa botwe noho efir bon ho. Ebenya nnuho na nkwaye efir bonho no ndzamba ehiadze bi wo ho a owo de eye. Ndzeyee bi na mbodzenbo bi wo ho a ohia de yeye dem ara so na akwan bi wo ho a owo de yefa do na yedze ye hen su. Se yeye dza otsetse dem yi a ono ne nsunsuando nara beyi n'enyim. Na wobegye mpaabo a yedze rehwehwe nkwaye efir bonho no a gyede yedze ndzeyee akwan bi ato kwan mu. Onye de yereye ndzeyee biara na yerebo mpa na ono mpo mpaabo tse de dza onnhia na ekyir no yeaka de mpaabo no mpo woanngye ato mu na beka no de oye ono Nyankopon N'adwen de nyimpa bokodo ara aye bonyefo, se otse dem a ono na yeetsi.

Se oye pe de mpontu besi na nyimpa twe noho fir suban na ndzeyee bon ho a ono Anohoba Mesia (ANN) no aka de ndzamba ebiasa bi wo ho a ohia de nyimpa no ye. Na ono ekyir no omba mpa na dem mpaabo no beyee mboa akwanya ama no na ne bon no efir ho. De yebotum enya nnuho nokwar no owo de odzikan yepapa hen adwen fir bon adwen biara ho, odzikan no bon akondor ba nyimpa n'adwen mu, na nyimpa no ko na okoye dem bon no. Se dem adwen yi ennyi ne tsir wo adwen no mu na se mbom dem bon no noho tan ser wo nyimpa no ne tsir mu a ono dem nyimpa no onnkoo na onnkoye dem bon no. Dem ntsi ndzeyee a odzikan a owo de nyimpa ye de mbre obeye a obenya nkwaye ama noho efir bon ndzeyee ho nye de obetsew n'adwen ho efir bon adwendwen ho na enyigye a onnye afebo ho.

Mfatoho a Anohoba Mesia (ANN) no dze maa nye obaa nkitsahodzi a onnye mbra kwan do nye anyenkoye. Ntsi mbom ebenya adwenpa afa dem obaa yi ho wo w'adwen mu no, fa adwenbon sesa no. Ebohwehwe n'ahoofo no, mbom tsintsim wo w'adwen mu mfonyin a omo koraa fa noho. Ma ne ndzeyee a onndzi mu no mbra wo tsir mu na fa ono do ye noho mfonyin wo w'adwen mu a oye tan yie na nnkoo. Dem kwan yi pe na ebantum afa do atwe wo ho efir dem bon noho.

Kwan a otsia ebien a Anohoba Mesia (ANN) no bo hen nkaa nye de yebenyan hen papa na hen ahotsew adwen na yeadwen bon a yereye ho. Tsintim wo w'akoma mu nnuho sunsum, iyi pe na obema etum atwe wo ho efir bon ho.

Ekyir no Anohoba Mesia (ANN) kaa de dza otodo ebiasa no nye de ebegyina pintsinn de merennsan m'ekyir nkoben dem bon no. Na mber a erebo mbodzen de eregye wo ho efir dem bon no ho aber nyinara no, Otumfo Nyankopon No dze nokwar nnuho adom dwir wodo na Otsie wo mpaabo a edze rehwehwe nkwaye efir ndzeyee bon ho no. Iyi nyinara nye ndzamba a owo de yeye ansaana yeabo mpa, onnyi de oba no de obi dze noho hye bon mu anapa na enwimber na oba mpa kor anaa ebien de odze rehwehwe nkwaye efir dem bon noho. Dem ndzeyee yi ma yetse ase de mpaabo a otse dem yi woammbo no wo nokwar mu.

Ohotsew sunsum no, nyimpa n'adwen a weesie wo nomu no, oyi netsir mber bi na okaa ne de eben gyinabew na ewo mu yin a ereye dem ndzeyee bon yi, na ne sasu ntsi oba mpa mber tsiawaa bi naaso onam de bon nepe hye nodo na oba netsir mu ntsi no oka nnuho atsenka no hye, dem mpaabo a otse dem no nnkotum agye no efir ne bon noho afebo anaa onnkotum ama waye n'asodzi a ofa nokwar mpaabo ho. Nokwar nye de iyi ne gyinabew tse de ma eridzi asoye ho few na erebo mbodzen de edze Nyankopon behye nhye ase. Nyankopon nnyi nhye ase mma obiara. Nkorofa a wotse dem no ohia de woka de se epe de

enya mfasopa fir Nyankopon N'ehumbobor mu na enya N'asom na ehun de w'asorye no wogaye ato mu a, ono ohia de ebédan wara wobotaa ako wo nyimpa su do.

De mbre maaka no, Okronkron Nyankopon No ye ayemyie dze ma Ne nkwa ara ma aber nyinara no Wogaye krado de Obekata Ne nkwa hon do wo N'ehumbobor kuntu mu. Ana iyi nnhwehwe mfir henho de yebeye krado na yeanantsew wo akwan a Odze ato ho ama hen no do na y'anam do enya mfaso efir N'ehumbobordo anaa. Owó hen nsa ka dem ehumbobor no a gyedzi fo mapa nye nkorofó a wodó No nokwar mu enya no. Owó de ebo mbóden de ebegye woho efir ndzembra a otwe N'ehumbobor no fir ho na oma hen su fata de Odze N'asotwe ba hen do no. Ketseankye hen nnuho ye nokwar nnuho na aber nyinara yedze hen enyim abo famu wo n'enyim.

Anohoba Mesia (ANN) aka de: Tsew wo ndzeyee ho na ber nyinara fa woho hye Nyankopon Ne nkaakae mu na mannye ma onnkoba de nnye ahweyie. Tsede efuw mu mboa a wotu mbirika dze twetwa gye honho no se woye akwadwer kakra bi mpo a ombombobo n'efir pa hon dem ara so na so obi ne wir fir Nyankopon N'akaakae a, obeye bonsam ne botaa. Aber nyinara nya nnuho na mma w'adwen mfir do da osiande hom dua no nefa biara a yedze ye edwuma na noho hia na dza onnye hwee no na obeye adze gyan aber biara. Dem ntsi ma da nyinara nnuho nka woho de mbre obeye onkoye adze gyan bi. Se anndan woho annko nokwar nnuho mu a ono ne fasusu beye tsede eduaba a woedua wo boba do naaso se yenya nokwar nnuho a ono ne fasoso tsede edua eduaba n'aba wo asaasepa do na w'asow eduaba wo ne ber do.

Dem nda yi nyimpa biara a orebo mbóden de ne nsa beka nokwar nnuho no hyia nsóhwe pii. Wiadze aféefedze na ne nsóhwe nntsie hen.

Anohoba Mesia (ANN) aka de:

“Akodze a onam do a yebanya nkunymdzi na tum nye Istighfar (bonfakye ne nsrae), Taubah (nnuho), gyedzi ho nyimdzi, yedze Nyankopon Ne Keseye begyina hen adwen mu na yebeye asor mpen enum dakor wo ne ber do. Mpaabo ne saafee nye asorye. Se eye asor a, bo mpaa wo mu, na ye ahweyie na bo woho ban fir bon biara ho se ofa asodzi a ofa Nyankopon ho anaa Ne nkwa ho.”

Ketseankye Nyankopon dze hen beka nkorofó a wonya nokwar nnuho no honho na ketseankye mber nyinara hen nsa bokodo aka Nyankopon Ne mboa na N'adom. Na ketseankye Obema hen nsa aka nhyira a ofa no dem nhyira bosom, Ramadhan yi ho. Amen

Sesei se ye ye Jumu'ah asor wie a medzi hom enyim aye funsie sor ama fun a onnyi ha. Funsie sor a odzikan no ye Mukarram (Onyimnyamfo) Muhammad Imtiaz Ahmad Sahib, Mushtaq Ahmad Tahir Sahib a ofir Nawabshah ne ba. Wokum no wo Ayewoho Bosom ne da otsia duanan wo afe yi mu, Inna Lillahi Wa Inna Ilaihi Raji'oon. Odzi mfe eduasa akron. Wo se nkorofó bi a wotse dadze ponko do bodur ne fiadze enwimber beyee nonan mpamu na wotow no ma owui. Inna Lillahi Wa Inna Ilaihi Raji'oon. Wo nkyerekyere mu a hen nsa aka no na Muhammad Imtiaz Ahmad Sahib gyina ne fiadze no enyim wo Nawabshah kuropon gua mu na nkorofó a wotse dadze ponko do a obiara nnyim hon benn no na wotow hon akodze wo nodo na woguanee. Tow a wotow noho nsunsuando nye de tu aboba ebiasa ka no, ebien bo netsir wo nyimfa na wofaa netsir mu pue wo bunkum. Dza otodo ebiasa no ka ne nsa. Wo kwan biara do no wokum no wo amon mu ho ara. Inna Lillahi Wa Inna Ilaihi Raji'oon.

Wo Nawabshah, besi nde, na onam pererye wonnye wo Nyamesom afa na otan ntsi, iyi nye kum a otodo akron a woesi na mfe kakra a etwa mu no nyimpa kum pii na esi wo ha. Nda ebien anaa ebiasa ansaana iyi ribesi no obia a ne fiadze ben nyia woewu yi yii no asotsir de

atamfo bi refa apam etsia no ntsi ɔnye ahweyie. Wɔ kwan biara do no, ɔmmfa ho mbreosi a obi beye ahweyie ɔwo de ofir fie na opue na iyi do na atamfo no nya akwanya.

Nyia woewu yi n'ebusuafo bohun Ahmadiyya wɔ afe 1935 ɔnam hon nana banyin Seth Muhammad Din Sahib a ofir Amritsar a ɔye Bai'at ɔnam Naimatullah Khan Sahib a ofir Wazirabad nodo. Wɔ afe 1947 wofir Amritsar a ɔwo India baa Nawabshah a ɔwo Pakistan. Wɔwo no wɔ 1975 na ne nsa kaa ne F.Sc no ɔhyee ase ne n'egya yee edwuma. Na ɔdze noho hye Jama'at ne som mu. Wɔ ber a wokum no no na ɔno no panyin a ɔda Halqa do wɔ ne mantem ho, kyerekyerefo dze ma Tahrik-e-Jadid, kyerekyerefo dze ma Islah o Irshad wɔ kuropon mu na Qaid dze ma Khuddamul Ahmadiyya. Da nyinara na woaye krado de ɔbeye dwumadzi biara a wodze bema node ɔnye mfa ma Jama'at. ɔdze ahweyie na ɔdze ye dem dwumadzi a wodze ahye ne nsa nyinara na woampopo ne tsir da. Na ɔye obi a ɔgye ahohow na ohwe ahohow a wofir tsirtsena ho yie na na ɔwo ɔdo a nomu yedzen ma Khilafat. Na ɔwo atsenka soronko dze ma obu. ɔyee n'asor mpen enum dakor ɔnye Tahajjud asor. Na ɔkasa bokoo na ɔwo akoma a ɔdwe na mber nyinara na woaye krado de ɔdze bon bekye. Mfeda ɔkoyee Jalsa Salana wɔ Qadian, India.

Wɔ da a wokum no no, ɔnam nhyira bosom Ramadhan ntsi, ɔyee edziban akyedze de ɔdze rema mboborfo na ewiaber no ɔkyee dze maa efie nsuon. Owie iyi ma ɔsan baa na nkorɔfo yi a hon tsir nnye yie a obiara nnyim hon no tuu hyee nodo na wokum no. ɔnam

Okronkron Nyankopon N'adom ntsi na ɔye Moosi. ɔye Seth Muhammad Yusuf Sahib a na ɔye Ameer wɔ Nawabshah Mantow mu a ɔnoara so wokum no ne nua ne ba. Ne papa Mushtaq Ahmad Sahib daho tse ase. Ogya ekyir ne yer Jamila Imtiaz Sahiba na mba mbanyin ebiasa: Jazib a woedzi mfe du, Abdul Kauser a woedzi mfe akron na Muhammad Abdullah Umar a woedzi abosom esuon.

Funsie sor a ɔtodo ebien ye Mukarram Naseer Ahmad Anjum Sahib a ɔdze ne nkwa abo afar na ɔye kyerekyerenyi wɔ Jamia Ahmadiyya wɔ Rabwah. Otwa ne metric nsohwe wɔ afe 1981 na ɔdze ne nkwa boo afar na ɔkor Jamia de ɔrekosua adze. Owie ne BA wɔ Jamia na owie no ɔyee MA so wɔ Arab kasa mu. ɔsanso kosua adze wɔ Russiaman mu. Ne nsa kaa ne Shahid abodzin wɔ afe 1988 no ɔbaa de ɔrebeye edwuma na ɔtse Jama'ats ahorow pii mu. Wɔ afe 1990 mu no woyii no de ɔnkokyere Comparative Religious Studies wɔ Rabwah na ɔsom wɔ dem gynabew yi mu na ɔdze kor owu mu. Ofir Jamia no ɔsom beyee mfe eduonu esia.

Na osua dze naaso na wohun no de ɔye okunyin wɔ Comparative Religious Studies mu ɔnam Okronkron Nyankopon N'adom ntsi. Na ɔwo nyimdzii a nomu do. Se iyi ne Jamia adze kyere no fir ho a wohyira no ma ɔsom ofis ahorow pii. Na oka nkorɔfo a wowo Qaza a Hadhrat Khalifatul Masih a ɔtodo anan yii hon no na ɔsom wɔ ho ara kor owu mu. ɔsom gynabew bebiree wɔ Khuddamul Ahmadiyya mu. Ne bra su kor a ɔye few a n'ebusuafo ka nye de na onntum ngyina de obetsie de obi rekasa etsia Jama'at nhyehyee. Se ne mba no mu biara reka asem etsia Jama'at banodzinyi bi a ɔbo mbodzen de ɔbema woatse ase na se obi fofor so bo mbodzen na ɔka asem tsia banodzifo no bi anaa ɔkasa tsia hon nhyehyee bi a ɔbo mbodzen de ɔbekerkyere mu na woama nyimpa no atse ase. ɔyee nhyira de ɔbaa Jalsa Salan UK na ɔkasa wɔ Jalsa n'ase wɔ afe 2010. ɔkyerewee dze ma me de nka orekogyekwantu krataa (visa) naaso woammfa ama no na woasan ako rokohwe ne nsa botum aka bio mu anaa.

Na ɔnye Khilafat wɔ ɔdo na nkitsahodzi soronko na na oka nokwar aboafu akese no honho (sultana naseera). Na ɔwo ɔdo kese de ɔbeka Nyamesem wɔ bea biara a ɔbokor na na woaben wɔ dem dwumadzi yi ho na otum ma nyimpa ekukudam mpo gye ne nsem to mu ɔnam adanse a ɔwo ntsi. Ne ba basia Khadija Maham akyerew de na ɔwo ɔdo kese dze ma

Anohoba Mesia (NNN) no na na ɔgyina ka hia a ohia de yebekan Anohoba Mesia (NNN) ne mbuukuu. Na ɔreye 'dictionary' a ɔfa Anohoba Mesia (NNN) ne mbuukuu noho na ɔye nepe de nkorɔfo hɔn nsa beka dem egudze yi. Na ɔrekyerew 'dictionary' a ɔfa kasafua a ne ntease ye dzen de mbre nkorɔfo botum enya ho mfaso na wɔatse Anohoba Mesia (NNN) no mbuukuu n'ase. Ohye dem edwuma yi ase nnkyeree.

Mubashar Ayaz Sahib akyerew de na ɔye obi a onyim kasa yie. Odzi akotsen wɔ Rah-e-Huda na MTA nhyehyee pii mu na aber nyinara ɔma nyiano a ɔwɔ fapem a nomu ye dzen. Ketseankye Nyankopɔn bohu no mbɔbɔr na Wɔama ne gyinabew do wɔ N'aheman nomu na ketseankye ɔbema Jama'at yi nwomanyimfo bebiree a wɔtse de ɔno. Amen.

Funsiesom a otsia ebiasa nye Mukarram Sahibzada Mirza Anwar Ahmad Sahib a ɔye Hazrat Musleh Maood (NN) na Hazrat Umm-e-Nasir hɔn ba. Ofir Dwowda a abasen kor yi, Inna Lillahi Wa Inna Ilaihi Raji'oon.

Otwaa ne metric nschwe wɔ afe 1944 na ɔnam Hazrat Khalifatul Masih a otsia ebien nepe do ntsi owura Agricultural College na ekyir no wɔdze nhyehyee a ɔfa dan Daruz Ziafat a osi Masjid Mubarak n'enyim no Hazrat Musleh Maood (NN) dze maa no. Daruz Ziafat edwuma a ɔrekɔ do sesiara no so hyee ase wɔ n'ase. ɔsom de Afsar Langar Khana kosii 1982/93, ekyir no ɔsom de Naib Nazir Umoor-e-Aama. ɔwaree Sahibzadi Sabeeha Begum Sahiba. ɔwɔ mba baa ebiasa na banyin kor. Wɔ nananom hɔn awar a Ammajaan kor bi no, ɔno ne dze na otwa tow a ɔkor bi.

Dr. Noori Sahib akyerew de menya akwanya som no wɔ mfe eduasa a etwa mu no na mohun de ɔye nokwarfo mapa, ayemyie na ɔwɔ ɔɔ nso. Ayemyie ye ne su a ɔda edzi paa. Ne su kor so a ɔda edzi paa nye de na noho ye enyika.

Dr. Noori akyerew de na ɔtaa kɔ Tahir Heart Institute de ɔrekɔboa ehiafo na ne siantsir ntsi ɔdze sika ma me.

Na ɔye me maame ne nua dem ntsi na yewɔ nkitsahodzipa na dem ntsi na ɔtaa ba hen fie. ɔma dem nkitsahodzi yi kor do na Khilafat ekyir no ɔma dem nkitsahodzi yi nomu ye dzen. Na ɔfre mber pii dze kyere dem nkitsahodzi yi.

Ketseankye Nyankopɔn bohu no mbɔbɔr na ɔdze ne mfom akye no na wɔama ne gyinabew do wɔ N'aheman no mu na wɔama n'asefo ne Khilafat-e-Ahmadiyya enya nokwar nkitsahodzi a no mu ye dzen. Amen. Ne yer so nhyɛdaa ntsi apɔw. Ketseankye Nyankopɔn bohu no mbɔbɔr na ɔdze N'adom egu nodo.

Tsedɛ ma maaka no dadaw no, se yeye Jumu'ah asɔr no wie a, yebeye dem funsie sɔr yi.

Translated by: 1. Mr. Alhassan Kobina Atta-Wenchie

(Tutor in English Language, Jamiatul Mubashireen, Ghana)

2. Maulvi Alhassan Bashir Annan Sahib

(Tutor, Jamiatul Mubashireen, Ghana)

3. Rasheed Possible Essuman Sahib

(Second Year Student, Jamiatul Mubashireen, Ghana)

4. Hafiz Naseem Ahmad Nyame Sahib

(Composer, First Year Student, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)

Contact: [www.jamiatulmubashireen.org/contact-us](http://www.jamiatulmubashireen.org/contact-us)